

封邱縣志

王廣慶題



117
312
124

民國二十六年丁丑

封邱縣志

潘炳麟題



開封新豫印刷所承印

本志民國二十六年十一月重印

重印封邱縣志序

吾邑壤地褊小絕長補短僅僅不足百里然面河浥洛北爲大梁屏蔽有民人焉有社稷焉有禹貢田賦高下之不等而職方生殖多寡之或殊焉苟無登記奚以垂後此方志之所由來也吾邑志書不知創修何時自明嘉靖而萬歷而清順康續之者屢屢矣然自此以來又二百餘年迄今不脩咎將誰職適值省垣通志館成立來文遞催於是敬約三五同人商議進行惟脩新志必資舊志迺吾封舊志幾經黃水板已化爲烏有現在卷帙存者實罕多方搜羅僅得一部而字跡漫漶不可復識繼於縣北王村王氏家簡得一部字仍缺而

封邱縣志序

開封新豫印刷所承印

不全賴有謝允府李性軒兩人細心耐勞各執一卷朝夕對校或此有而彼無或甲斷而乙續參互攷訂始窺全豹然猶有夏五郭公之類魯魚亥豕之訛無可稽莫能辨者不得已迺付之闕如以俟後之博學達才如褚少孫束廣微其人者出其有餘補所不足若小雅南陔諸什大學格致兩傳周官考工記一篇使其書亡而不亡缺而不缺此固諸同人所崇拜禱祀以求者也至於原文則如國門懸書難可增減一字不過證其錯誤令可句讀而已安敢僭擬古人哉茲者書已脫藁勢將付梓未印新文先鈐舊編諸同人屬序言於不佞故不揣樸昧書數言於簡端略爲述其緣起云

中華民國二十六年六月十四日邑人黃蔭栢序於封邱縣志館

封邱縣志序

二

開封新豫印刷所承印

開封府爲纂修誌書以備典要事蒙

河南布政使司信牌順治十五年三月二十八日蒙



欽差巡撫河南兵部尙書兼都察院右副都御史加二級賈 憲牌前事照

得各府州縣之有志也其所紀載不越提封四境之中而實能備

國史之所未盡猶大宗之有小宗焉猶江海之支流山嶽之峻阜焉不可廢也中州夙稱文獻名邦高賢輩出其于典故載籍必所素重昨據該司呈送通省府州縣誌書僅四十六種其餘各屬咸稱兵燹之後蕩然無遺就其中新經纂刻者止汝州永寧數處此外皆係勝國舊編而于近今之事者俱付闕如及今不圖恐世遠言湮老成凋謝後來雖欲從事勢必更難擬合通行急爲修纂爲此牌仰本司官吏文到即便轉行各府州縣凡無誌者速宜網

羅舊章博求稗乘敦禮耆英開局裒輯其有舊誌而未載近今之事者或有雖經翻刻而因陋就簡不諳史裁者亦須多方採集更延名碩訂正務使缺略咸輯今昔備載修成先錄清稿呈送本部院披覽諒此不朽之垂人人自有同心也毋得遲違等因到司備行到府蒙此擬合就行爲此帖仰本縣官吏照帖備蒙憲牌內事理卽察該縣無誌者速宜網羅舊章博求稗乘敦禮耆英開局裒輯其有舊誌而未載近今之事者或自雖經翻刻而因陋就簡不諳史裁者亦須多方採集更延名碩訂正務使缺略咸輯今昔備載修成先錄清稿具文徑送

本部院併送本司本府披覽諒此不朽之垂人人自有同心也慎勿遲違速速須至帖者

順治十五年四月

右帖下封邱縣准此
日具

封邱縣志

卷一

二

開封新豫印刷所承印

修志姓名

總裁

巡撫河南兵部尚書兼都察院右副都御史加二級賈漢復膠侯滿洲籍曲次人

巡按河南南監察御史李及秀公愚順天玉田人丁亥

河南察荒監察御史李粹然君煥遼東遼陽人戊子

提調李森先林枝山東掖縣籍平度人庚辰

布政使司

布政使司左右布政使徐化成文侯昌平籍滿洲人丁亥

按察使司按察使桑芸笈雲山西榆次人庚辰進士

分守大梁道左參政王來用行予遼東人

封邱縣志

卷一

三

開封新豫印刷所承印

分巡大梁道副使沈荃繹堂江南青蒲人壬辰

分巡睢陳道副使遲日震貢士遼東廣寧人

專管通省河道水利兵備副使加一級徐必遠寧安江南江寧人己丑

管通省糧儲道副使兼左參議武攀龍蘭若山西交城人丙戌

提督學政右參議兼僉事朱廷瑞增城江南歙縣人丁亥

管通省清軍屯田驛傳鹽法道兼顧川潼關衛等處防河事務兵備僉事程

督理

席式

開封府知府錢綸拔貢

拔貢

同 知口口口

趙汝斌 再都山西岳陽人
選貢

張爾翮 鵬先陝西富平人
拔貢

通 判侯幼鉉 鼎玄北直南皮人
拔貢

推 官于紀龍

較梓

封 邱 縣 知 縣 余 縉 浙江諸暨人壬辰
進士

儒 學 教 諭 宗錫印 河南濟源人歲貢

訓 導 陳璧聘 河南光州人歲貢

纂修

封邱縣志

卷一

四

開封新豫印刷所承印

浙 江 溫 處 道 參 議 李嵩陽

廣 西 蒼 梧 道 萬 化

評論

國 子 監 監 丞 萬 泰

彰 德 府 府 學 教 授 葛孕秀

訂正

甲 午 科 舉 人 柴薦盟

丁 酉 科 舉 人 萬維賢

恩 選 貢 任 性鐸

采輯

生

員張國範

張瑚

張楓陞

黃恩賜

常拆

封邱縣志

卷一

五

開封新豫印刷所承印

封邱縣志序

余閱禹貢周職方嘗作而嘆曰茲志郡邑者之權輿乎田賦高下之異等墳
墟黎赤之異壤九鎮九澤之異名固臚列而載之至于簞簞箇籥淮蠙江龜
海錯之纖細則類于草木昆蟲之書而多男少女多女少男之紀則又閭井
俚俗者之談古人何若是之瑣瑣也蓋物有切于利器用阜民生辨陰陽而
藩孳息者固不得以其煩雜而略之吾邑古黃池見于春秋盟會地濱黃河
爲大梁北門其物產之豐舟車之輻輳人材冠蓋所挺生而崛起者洵儼然
一都會也舊故有志出前朝邊太僕公手裁峻而整詳而有體頗有劉向班
固風戍戍秋

貴大中丞盧中州兵燹後文獻掃地慨然以水涑新安自任檄郡邑修輯舊

封邱縣志序

開封新豫印刷所承印

志加以新裁邑侯余明府諳掌故博稽羣書更延禮諸儒共爲之凡志中所
載田賦徭役戶口食貨謠俗河患人物文章源委本末皆侯所蚤夜擘畫故
浮文華詞屏去不事獨以其雄才大略之所經營者而登之于籍蓋邑自滄
桑後白茅黃葦變沃土爲石田余侯以吳越大儒戴星拮据者凡數載今一
切與民經始城池倉庫學宮縣治民廬次第就條理侯蓋以職力用之于治
以緒餘見之于志故能自爲一書若此舊志自庚辰後闕焉未備侯爲之撫
拾補緝亦猶昔人以考工繼周禮也與余故櫟括其大旨而弁諸首簡使後
之治是邑與隸是邑者得以遐覽焉

欽差分守溫處道浙江布政使司右參議前廣東道御史視兩淮鹺務督江南
學政邑人李嵩陽謹序

封邱縣志序

夫圖志之設所以記雅故備考衷彰往古訓來茲也古者列國皆有史官而稗乘亦有紀載是以職方之掌列在周禮而地理之志著於孟堅至後世一郡一邑莫不各有專書豈非文獻攸關使後之人一望瞭然煌煌乎巨典也哉封志自明神宗末迄今歷四十餘年其間兵燹相繼陵谷遞遷雲漢之什比歲興歌陽侯之波八載爲患邱墟視城土豚視市荒殘之狀蓋不至澤葵依井荒葛冒途壇罷虺域階鬬騫隄如燕城之賦所能殫述者無論建置淪亡舊蹟缺失而芳風懿行半埋沒於荒堙蔓草中不可究詰已失今不修後將何述致使已事無存大典坐廢不亦深足令人浩嘆乎諸賢余公來令吾封封治久燕公僻處窮鄉數椽茅屋怡然自樂蒞封六載政績丕著每於勸

封邱縣志序

二

開封新像印刷所承印

課之餘招集耆老訪求遺事擬手自編纂勒成一書傳之將來永垂不朽會撫軍大中丞賈公敦崇文教下檄郡邑俾各修志以獻公因徵延名碩命領厥事需以歲月細加定評數越月而書始成迺屬余爲序余於是嘆服公之識量蓋深且遠也封邑當抗敵之後民困甫甦汗萊如故補瘡救痍尙恐未遑使非公究心世務博事咨詢而復重以如椽之筆手訂之勞欲以成是書而愉快也不其難哉由是以觀曩代典文犁然具在後世參考詳悉靡遺彰往訓來於茲無愧行將補職方之未備孟堅之志想亦不得孤行於世矣賜進士出身河南彰德府府學教授邑蓂人孕秀謹序

重修封邑志小序

封父葛爾邑也田賦物產不逮隣封懸甚而三面頻河土疏惡善潰堤防歲修繕罔竣工日里巷父老調傳云自古無二十年不衝決者蓋中州諸郡邑與河患相終始唯封被昏墊爲尤烈也歲甲午春王月縉以駑鈍待罪茲邑抵任日值河決未塞城汨巨浸中前尹寄處壑落縉卽其地編蓬植籬漸爲規復計顧舊有邑乘問諸水濱則藏版狗逝波矣諮訪故軼數閱月邑孝廉常子奇始以前志相示讀其文鴻博綜練記載有體要爲邑先賢邊南亭先生手輯然宋元以前多遺略不備明神宗以後迄今

國朝數十年間人物事蹟諸閱歷聞見久未纂補又災患代謝之餘故老凋寂遺書散亡歲月愈深則缺略愈甚給雖惴惴日奔走風塵道中無暇瞻當

封邱縣志

小序

三

開封新豫印刷所承印

世作者之堂祈撰述焉私心則蹶如也戊戌春奉

巡撫大司馬中丞賈公憲檄令郡邑各蒐羅故籍博訪英賢務求名公鉅章續入近編以光全志甚盛典也給捧檄卽集僚佐師儒商確延訪次敦請鄉搢紳先生綜理舊聞參以輿論先揭示五衢俾通邑士民凡有所記識皆得適館啟告以資考訂雖老隸故卒有一得之陳者咸直入勿呵止庶幾稽古之餘輔以謀莖矣迺封蕩析歲久宦遊者旣以官爲家耆英數輩亦坐河患故播遷鄰壤雖造廬請謁不憚往復僅得孝廉萬君維賢恩選任君性鐸及諸生張子國範等六七日偕宗陳兩學博討論修飾與縉互相詢質卜署左數椽開局賓醕饌環坐容膝中講貫刪述者再閱月始有成緒而於中歲月諱字多浮沉良久不可悉辨近賢篇什詞章亦緣期迫不遑廣羅應俟集

腋之成裘始可災梨以問世况吾封蒙

大司馬中丞公曠恩殊德迥異他邑如撤免協濟廩延夫馬重累及供應襄城大兵苦役皆澤被萬室感篤千祀者也奈封民貧瘠吏無城居尙未克勒豐碣志不朽茲事烏容忽諸然則封志雖成猶草創也雖續補舊志猶新篇也將來因人物民俗之盛爲潤色成書計者可不夙秉如椽以竟乃績乎

大清順治十六年歲次己亥四月河南開封府封邱縣知縣東越余縉謹述

封邱縣舊志序

封邑肇自漢然封父黃池三代輿圖有焉悉畿郡也城當五之一面梁帶河越在濕隘土瘠而民羸差繁而賦重然負省郡邊背爲之北屏其間百里天造地設人營物產與夫吏焉生焉遊焉顯而增重焉者道可述也往封志四帙已復彙爲二雖補闕飾陋亡殊舊簡又踳疏舛錯莫辨余一日合邑耆舊及青衿子謀曰我等封人卽寓內罔所聞知獨不能言封事畧封民俾後人迷厥視聽乎奈茲舉主裁視令適邑侯翔溟張公蒞封器識淵竑剔釐備至尤垂意憲典覽封志謂於邑弗稱乃移千執幣造余廬而請新之并兒輩之靖屬焉其請於邑諸縉紳猶是也繼而少芳王公復蒞封沈鰓多治略力討舊典而振飭之伏命兩侯乃相與掇遺蒐隱繩訛去僞標格屬辭較昔略

封邱縣志

序

開封新豫印刷所承印

備斯亦文事之麤耳昔李吉甫作元和志謂執此可以治天下而江文通則深慨作志之難卽蕞爾邑乘置筆惡容易哉乃大取其類次而詮審之畫壁分州先正經界用首疆場揆方奠居式重坊表故次營鳩若乃國毗民民依土土作貢而綏以文教董以官守口於是乎斧德擣藻郁郁盛焉此序次終始也人盡意而體必歸一事攷詳而用期有補增削因其有無勸懲寓之微詞而義則有所未逮蓋擬經附史之過辨之久矣斯志也歲三臘始成篇侯嘗偕計都下輒出示人輒加褒竄凡方志自畿而省而郡而邑及周禮禹貢史漢百家咸撫而斷焉忘其爲箸面也然傳心興起於斯賴焉敢弗獲儻瞻城圉則動整乂之思撫民財則生軫卹之想覲賢哲則切景行之心嘉藻麗則起博綜之志與夫剖壤建鐸者爛善敗而定法誠令一邑安恬輯睦以無

虧疆場之司則端有望矣嗚呼遷固作史漢續之猶需後人周小史外史掌
四方邦國志事不無遺藉茲得無過任乎噫巖城霧列合之始成一統徵往
詔來何論一邑與天下及久暫耶篇首增圖置表辨天文於房角之間分地
形於兗豫之界兩邑二侯並麗諸境揭直臣於祀列綴斷例於新編析賦役
於簡額皆余與邑人士鐫入焉而靖爲操觚從事者也摠之皆兩侯隳括裁
成於上斬垂不泐且並捐俸令之鋟梓而復屬余爲序余曩有志焉而不嫻
於文謹按其故實而直書若此云

賜進士出身中奉大夫整飭密雲等處兵備提督古北四路山東布政使司
右布政使前按察司按察使加太僕寺卿邑人邊有猷撰

封邱縣舊志序

自昔鉅而國細而閭閻不置史故國言信閭言惇則物地揆教于是鏡而衷焉班氏既以十志易八書別區從類蓋扶輿龐浩之務所斟挹于荃宰而郡邑各具六官朝宗之派金匱合之繡野分之一同踵志所自來矣封父之邑鹵沃相半土中河澹以翼行雀屏北爲蔽猶宋畿也前志遯東撮凡而止竊隆登耗漣焉曾不曙于其故無亦長民者忽焉或邑人士委諸平陰張侯蒞封爬蹴盤盤實百隙褫千釐徵往詔來不欲當吾世而有漏籍乃我浚儀微天之靈爰得封怙淄川王侯趾嫩一切若舉大木前邪後許蘄奠之礎以無棟撓考文諮獻用終厥緒罔卿邊公季子孝廉若邑之耆雋旁蒐博摭古綆今羅苴挂剔訛若而篇又若而弱而軌蹟條章煌哉大備固以不厭瞻而無

封邱縣志序

三

開封新豫印刷所承印

軼于體卽務約其遑騁裁侯曰子讀而善之敢請弁不佞唯唯蓋環汴而邑皆鄭衛墟也春秋周鼎其紐在鄭蟲牢之盟何休謂之備楚後雖脅齊懾魯猶恃平邱復飾以息楚氛而齊晉前驅魯衛驂乘滕薛夾轂而趨吳子進乎哉君子曰華之辱莫不瀚于黃池按牒考之胥封域也力政以還條典午條宣和彈丸之封奚逃百六蕭丘之火歷陽之浸不嗟蓬艾蟲沙與并盡耶明興沐浴醺化浸漉覃仁兩戎中有豫三川中有封不啻重深累茵壤翁懷童庶其覲已兩侯洒濯頤頤惟不洪潤大飫是懼襲乎鼓之軒乎舞之保后胥戚鮮以不浮于天時世澤綿亘淪肌不朽罔卿含一憲萬輦歸千篋懸車坐里塾子弟入出俾勤學矜行無扞文法善政善教輪輻相持頃持筆椽彰示有永凡所損益步墨依繩惇而信志而實史也封民覩此可無忘佑啟徵明

之賜以不昧於祈嚮而庶幾比屋之封則作志至意也按新唐書表云其事則增于前其文則省于舊文庸事幹惡跡而可二語實瑕封志無是憾矣進而求之其或班陳之間乎時張侯名鯉號翔溟王侯名策號少方前後循政具在別方志成復捐金助之問卿名有猷世所稱南園先生孝廉名之靖蓋便便經笥之裔當自浚而封者也志成僉曰邑言邑郡言郡郡棣邑者也請余拓而言之以誌其概其詳不復贅已

賜進士第中憲大夫奉勅整飭鄜延兵備陝西按察司副使前兵科左給事中侍經筵開封郡人李貴和撰